

هذا النبي المختار
أصبح يوصي ابلكتاب
من صعب حاله
والعترة آله
سمعوا الوصية يا ناس
سمعوا الوصية

ويكرر على الأصحاب
بالعترة بعد لكتاب
ومنكم مال مو طلاب
هم من بعدي الأسباب
وبهم ما يآذونه
صقوا حطب يم الباب

صار المصطفى ايوصي
يوصيهم بعد عينه
هذا الأجر للدعوة
حفظوني ابه الثقلين
ظن بيهم يحفظونه
وبس من غمضت عيونه

تروي ارواية الثقلين
والسنة روو وجهين
او هم ويانا متفقين
واحنا ابهذا مختلفين
أصدق ما يكن كونه
وين الينصفك بس وين

شيعة او سنه امسلمين
احنا ابوجه واحد
قلنا اكتاب والعترة
او قالوا اكتاب والسنة
والنرويه او يروونه
صادر عته هاديننا

وحأت مصايب
تحت الترايب
والله عجايب
شنهو السبايب
كافي ملامه
وينه الإمامة

ومن هذا ضاعت لمة
من صبح شخص الهادي
مصدر الوحده عفاه
نطعن ظهر وحدتنا
كافي ملامه واعتاب
وينه الإمامة والكتاب

عذبنا قلب المختار
لمن ضيعنا لكتاب
عند المنيه
عند المنيه
سمعوا الوصيه
يا ناس
يا ناس

(١)

من بنت النبي ضلعين
بالصفعة بياض العين
ابفعل العصر لجنين
وهي بين لمسلمين
وشبوا بابها بالنار
وأرضى سيد الكونين

ما صقوا جزل وقاد
واسمع منطق العقاد
يتجرأ على الأسياد
خاطب سيد الأسياد
منهو يرضى يا أحرار
وبيا حجة بس ينقاد

كل المسلمين
ينقاد أبو حسين
واضيعة الدين
او زادت هالسنين
أعظم علامه
المسلم علاما
هذي عدانا
نار ابفانانا

وينه وصايا المختار
أوصانا نلزم لكتاب
مو بالأذيه
إلى الذريه
وين اللي قاله
وصانا بأله
مو بالأذيه
سمعوا الوصيه

لو سلمنا ما كسروا
وما احمرّ بالم ليها
أو لو سلمنا ما طرحت
وقلنا هذا ما يحصل
يكفي حاصروا للدار
هل هذا ارضا الجبار

ولو قلنا فقط تهديد
قلب شوف بالتاريخ
ما واحد من الأمة
إلا عمر قوله قال
هذا يؤكد اللي صار
يتهدد على الكرار

مو فرقة صاعت حسرى
اشلون الأممه ترضى
هذي امصبيه عظمى
شبت نيران الفتته
وأعظم علامة الإرهاب
المسلم علاما ينصاب
هذي عدانا تسكب
زيت ابفانانا وتشب

حاله يا أمين الدين
وبحجة أجر وأجرين
وإن صاب الحكم له اثنين
دم المرتضى ولحسين
جبده ايسم ايقطعونه
ويتبرر فعلهم زين

المنها ما بعد باطيب
هالأمره ابعلم الغيب
ما في غيره لنا اطيب
تطلع من بعد لمغيب
ظاهر بس ويصدقونا
وما حد يبقى عنده ريب

راية محمّد
جيش موحد
ما يوقف أحد
يالهادي يضمّد
يمتني علينا
راية ولينا
سنه وشيعه
نمضي للبيعه

ونسر حاله
ونتبع آله
هذي امنيتي
سمعوا وصيتي

صار الاجتهاد اشلون
كلمن يفتي ابكيفه
إن أخطأ إله واحد
وبالمقياس هذا حل
والمجتبي ايسمونه
وما واحد يرحمونه

هذي علة الأمة
إلا ابصارم المهدي
بعذك يا رسول الله
يمته شمسه اعلينا
والعالم يشوفونه
وتبعه ويتبعونه

يمتني ترف الرايه
وبظلهما نمشي كنا
وبوجه هذي الرايه
يمتني جرحنا بيها
يمتني علينا نشر
راية ولينا تظهر
سنه وشيعه كنا
نمضي للبيعه كنا

ونعود جيش المختار
ما يوجد بيننا اعتاب
هذي امنيتي يا ناس
وامنيه خوتي يا ناس